

文

選

旁

證

文選旁證卷第十八

長樂梁章鉅撰

卷十七下 洞簫賦

注長三尺四寸 案句本爾雅注三字衍

注詔使褒等皆之太子宮娛侍 貞觀政要四異洞簫之娛侍

注云漢元帝爲太子時好吹洞簫自度聲被歌調王褒上洞

簫賦乃令後宮貴人皆誦讀之

原夫簫幹之所生兮 初學記十六引簫作柔

託身軀於后土兮 六臣本后作厚

注震爲蒼莨竹 今易說卦莨作簋孔疏曰初生之時色蒼琅

取其春生美之也

注說文曰漑猶灌也 今說文作一曰灌注也

揚素波而揮連珠兮 本書潘安仁金谷集詩激波連珠揮語

似用此毛本揮作揮誤

聲礚礚而澍淵 五臣澍作注向注可證

玉液浸潤 五臣潤作潭濟注可證

注說文曰液津也 今說文津作盭惟繫傳本作津

孤雌寡鶴 六臣本鶴作鵠

抱樸而長吟兮 胡公攷異曰樸當作朴注引蒼頡篇朴木皮

也可證否則尙應有樸朴異同之注

處幽隱而與屏兮 六臣本屏作屏胡公攷異曰屏當作屏善

以屏字本不訓蔽故取說文屏蔽也爲注思元賦坐太陽之

屏室注可證今於正文既改屏爲屏復改注中說文屏爲屏

以就之大非

密漠泊以獬豸 六臣本漠泊作嶼嶼 吳氏任臣字彙補獬

作獬澄人切引文苑彙雋曰獬豸密而相連貌

幸得謚爲洞簡注謚號也 秦漢人語多以謚爲號皆不作謚

法解史記謂田嬰謚靖郭君田文謚孟嘗君其人皆見存也

老子傳云謚聃呂不韋傳云謚爲帝太后司馬相如傳論巴

蜀云謚爲至愚可互證

注子曰因人所利而利之 周禮旅師疏引民下亦無之字

夔妃准法注妃未詳也一云襄 五臣妃作襄銑注師襄也按

本書長笛賦夔襄比律注云尙書及家語琴賦夔襄薦法注

夔襄已見上文謂已見長笛賦注也則李本此賦不作夔襄

可知顧氏炎武曰准卽準字省筆管子書中準皆作准莊子

平中准文子放准循繩淮南子眇者使之准皆同郭忠恕佩

鴈集云字林用淮爲平準之準

羅鱗捷獵 五臣羅鱗作鱗羅良注可證

憤伊鬱而酷醜 五臣醜作醜銑注可證案字當作醜卽惡之

別體五臣作醜更非

形旖旎以順吹兮 五臣旖旎作猗扼銑注可證

注 頤與頤劉 六臣本劉作同是也陳曰劉字衍非

趣從容其勿述兮 五臣趣從作趨縱翰注可證

獵若枚折 五臣獵作獵良注可證陳曰獵當作獵胡公攷異

曰善注獵聲也未見必用獵字

沛焉競溢 又 嚙戢蹀躞 又 風鴻洞而不絕兮 五臣溢作映良

注可證蹀作捷鴻作洪翰注可證

則清靜厭厭 注 厭安靜貌 方言厭安也詩厭厭夜飲毛傳厭

厭安靜也

注曹大家列女傳注曰慙深邃也 今列女傳孝平王后篇婉

淑有節行說文繫傳心部引作婉慙漢書孝平王皇后傳作  
婉嫵有節操本書女史箴婉嫵淑慎注亦引曹大家注嫵深  
邃也蓋慙與嫵同音翳知舊本列女傳當與漢書同耳

澎湃慷慨 五臣慷慨作沆漉銑注可證

佚豫以沸惛 五臣惛作渭良注可證

時恬淡以綏肆 注說文曰淡安也 按淡當作憺今說文憺安

也 注當據此若淡字說文訓薄味也姜氏舉曰說文人部倓  
安也讀若談一切經音義九引蒼頡篇云倓恬也荀子仲尼  
篇倓然注亦曰安也此淡字疑倓字傳寫之譌

注說文曰憂煩惛悵憂貌 今說文無此訓惟惛字訓忿也一

曰憂也

悵然而愕兮 六臣本及毛本愕下並有立字

注毛萇詩傳曰昔顏叔子 余曰陳景雲謂毛詩無顏叔子事

按顏叔子事見巷伯二章毛萇傳

桀跖鬻博儻以頓顙 六臣本校云善無以字按本書寡婦賦

注引此句無以字惟初學記十六引有以字

注鬻夏育也 又博申博也 翰注鬻鬻拳楚之強勇人也博朱

博漢之俠士也案五臣此注恐不足據李云鬻夏育也古字

同博申博也未詳其始最爲是矣

故聞其悲聲 六臣本作故其爲悲聲是也

注說文曰擊拭也 今說文擊別也一曰擊也無拭字訓六臣

本無說文曰三字

則莫不憚漫衍凱阿那展腰者也 五臣衍作衍展腰作展腰

翰注可證

是以蟋蟀斯螻 五臣斯作尺翰注可證

<sup>注</sup>說文曰跋徐行凡生類之行皆曰跋 今說文徐行下有也

字類之作之類

蠅 五臣蠅作蜓翰注可證

垂喙蜚轉 五臣蜚作宛翰注可證

超騰踰曳 <sup>注</sup>或爲趾 五臣曳作趾向注踰趾高擲貌

淵珍沌兮 <sup>又</sup>攬搜澤捐 <sup>又</sup>頽唐遂往 五臣沌作地銑注可證

搜作按濟注可證頽作隕向注可證

吟氣遺響 六臣本響作往

聯絲漂撇 五臣漂作飄銑注可證



舞賦

舞賦 藝苑卮言云武仲舞賦託之宋玉及閩古文苑宋玉舞賦所少十分之七而中間精語如華袿二句羅衣從風八句紆形赴遠四句亦不多得豈武仲衍玉賦爲已作耶抑後人約節武仲賦序語而誤爲宋玉耶按文選舞賦傳武仲全文也藝文類聚卷四十三舞門所載刪節之文也古文苑錄自類聚而改易後漢傅毅爲宋玉非也章氏樵云後人好事者以前有楚襄宋玉相唯諧之詞遂指爲玉所作其實非也假說古人賦家常例不可據之標目章說爲是

注

爲蘭臺令史少逸氣亦與班固爲實憲府司馬

何曰今本

漢書無少逸氣三字按六臣本注無少逸氣亦與班固爲八字實字上有遺字

既游雲夢 六臣本游下有於字

寡人欲觴羣臣 胡公攷異曰茶陵本觴作醕張氏雲璈曰禮

記投壺行觴釋文云觴作醕

可以進乎 六臣本無以字初學記十五引亦無以字

王曰其如鄭何 六臣本校云五臣無此一句當是偶脫耳尤

本其如作如其亦誤

小大殊用 翰注小謂小雅大謂大雅

夫何皎皎之間夜兮 五臣皎皎作皦皦向注可證

明月爛以施光 六臣本爛作列

注說文曰鋪著門拊首 拊字恐誤今說文作鋪首

貌嫵妙以妖蠱兮 五臣蠱作治良注可證說詳西京賦六臣

本無兮字下睂連娟句嘉關雎句並同

音連娟以增繞兮 五臣連作媿翰注可證

紆清陽 孫氏志祖曰揚誤陽注皆同

亢音高歌爲樂方 五臣亢作抗樂下有之字向注可證

慢末事之飢曲 五臣飢作委玉篇云飢骨曲也

注刺晉懷公也 何校懷改昭六臣本尤本作僖亦誤

注而奏搽也 又亦律調五聲之均也 何校而上添舞字亦改

六是也各本皆誤

若翽若行 又元動赴慶 五臣翽作翔元作机向注可證按洞

簫賦翽翽乎其顛六臣本翽作翽胡公攷異曰乃翽之誤

別體作𦏧故翽之別體作翽耳此翽字當亦不作翽

颺攜合并 五臣颺攜作颺奮銑注可證

綽約閒靡 五臣綽作嫋良注可證

注開美閒緩而柔美 陳校兩美並改靡是也各本皆誤

懷懋素之潔清 五臣清作情翰注可證

注說文曰懋貞也 今說文懋謹也

噴息激昂 注噴與咽同 六臣本噴作咽

志若秋霜 又諸工莫當 又彷彿神動 五臣若作如濟注可證

彷彿作徨向注可證六臣本莫作共

擊不致筴 六臣本筴作爽與注不合恐誤當依濟注作策

注字書曰跌失蹠也 六臣本毛本失並誤作足

灌似摧折 六臣本似作以

紛姦若絕 初學記十五引紛姦作續姦

蜺蛇娉嫋 注說文蜺蛇邪行去也 蜺蛇當作逶迤今說文無

蜺蛇字是部逶字訓去逶迤衰去貌又池字訓去衰行也

雲轉飄忽

注

忽與忽同

五臣習作忽良注可證

黎收而拜

五臣黎收作黎收翰注可證按玉篇目部無黎收

字翰注訓黎收爲歛容亦無所據說文遼徐也徐鍇曰傳毅

舞賦遼收而拜謂徐收其舞勢也與注引倉頡篇義同史記

高祖紀黎明作遲明知黎與遲同義廣雅亦云遼徐遲也

搶捍凌越

五臣捍作汗翰注可證

馬材不同

林先生曰舞馬見竹書紀年又山海經大乘之野

夏后啟於此舞九代馬此賦本詠舞餘波及馬也

閭跳獨絕

五臣跳作條濟注可證

注鄭元尙書

五行傳曰

傳下當有注字

或有宛足鬱怒

五臣宛作跼翰注可證

洋洋習習

注

鄭元毛詩注曰洋洋莊敬貌又詩箋曰習習和調

貌 按鄭君注毛詩卽箋也此引注又引箋則分爲二書矣洋

洋古亦無莊敬之訓不知何據

駱漠而歸

又

天王燕胥

又

樂而不佚

又

優哉游哉

又

五臣漠作

驛銑注可證胥作潯泆作濫游作柔向注可證何云以善注

引孝經滿而不濫觀之當作濫字

### 卷十八 長笛賦

注說文曰笛七孔長一尺四寸 今說文笛七孔笛也

又性好音能鼓琴吹笛 六臣本音下有律字初學記十六所

引與此同毛本亦有律字

注韋昭釋名曰督郵主諸縣罰負殿糾攝之也辨位曰 何校

昭下增辨字位下增言字姜氏皋曰太平御覽三百五十三

引此罰字下有以字負字下有督郵二字殿字作殷字畢氏

沅采入釋名補遺以爲此條譌舛特甚文義殊不可解他書又皆未引及無從校正是未有以選注證之者廣韻十八尤亦引負字下有郵字餘同而段氏玉裁廣韻校本以爲今釋名無此語或古本有之是未知韋昭有補職官之缺也

獨臥郤 五臣郤下有縣字銑注可證初學記十六引有縣字有雒客舍遊旅 五臣雒作洛濟注可證

作長笛賦 五臣賦作頌翰注頌亦賦之通稱也

託九成之孤岑兮 六臣本無兮字下特簡彙句巔根詩句並同姜氏舉曰呂氏春秋音初有城氏有二佚女爲之九成之臺本書魯靈光殿賦齊故安陸昭王碑文注兩引之而此注又引桓山四成未知何意

注山海經曰桓山四成 今西山經作東望恒山四成郝氏懿

行曰恒山北嶽計其道里非瞻望之所及似當從文選注作桓藝文類聚鳥部引家語桓山之鳥云云疑卽此桓山也

注箭橐二竹名也言似二竹又鄭元曰箇輅聆風也六臣本

無箭橐以下六字似作此胡公攷異曰六臣本是也善以箭橐爲一竹下注二竹并聆風數之也韋昭地理志箇輅一名聆風見尙書釋文與此注所引鄭注正合尤本增改皆誤

注說文曰潦雨水也今說文潦雨水大貌而本書贈顧彥先

詩注引同此

鑿根跖之鑿別兮許氏慶宗曰鑿別卽剗別不安貌易困九

五剗別鄭云當爲倪杙考工記大而短則摯先鄭云摯讀爲

鑿謂輻危鑿也

重巘增石注爾雅重巘廉郭曰巘曰甌山狀似之朱氏瑋曰



案郭本爾雅作𪔐故有𪔐𪔐之說玉篇引作𪔐此注及本書晚出射堂詩注引俱作𪔐當是古本爾雅作𪔐也但引郭注字作𪔐則𪔐曰𪔐之語不可通

簡積頽

注

說文曰頽頭頽也

余曰何曰頽宋本作落按尤

本卽宋本仍作頽此當謂注中之頭頽尤本作頭落也今說文頽頭頽大也惟繫傳頽字不重同此

解壑滄峴

五臣滄作嶒良注可證

注爾雅小山別大山曰嶒

朱氏瑋曰案今爾雅嶒作鮮詩皇

矣毛傳同而公劉傳又云嶒小山別于大山也是毛意以鮮嶒爲一字此注及本書吳都賦注引俱作嶒玉篇云嶒山不相連也張氏聰咸曰古本鮮當作解後人加山皇矣正義引孫炎曰別不相連也正釋解字之義

漳漳障潰 五臣障作漳濟注可證

波瀾鱗淪 五臣淪作命銑注可證

注說文曰窳邪下也 今說文窳汚邪下也本書吳都賦注引

與今說文合

粹巡碣突 吳曾漫錄云碣字注徒郎切以碣爲唐也孔融傳

唐突宮掖曹植門牛詩歎起相塘突碣唐塘並字異義同

是以間介無蹊 翟氏灝曰增韻引孟子山徑之蹊間介然此

注又引杜預曰介猶間也間介一也間介連文似孟子亦當

以山徑之蹊間介然爲句武氏億曰趙氏注以介然屬上爲

句疏言其間微小介然而已朱氏集註介然倏然之頃也又

以間字絕句介然連下讀長笛賦注引孟子此二句又引左

氏傳杜注介猶間也間介一也據此則以山徑之蹊間介爲

句然字屬下讀亦通

注說文曰雄雉之鳴爲雉 今說文雉雄雉鳴也雷始動雉鳴而句其頸

若絙瑟促柱 六臣本瑟作琴

注帝王世紀曰高宗有賢子孝己 莊子性惡篇注家語弟子

解並以孝己爲殷高宗太子翰注以爲殷中宗子恐誤

搢膺擗標 尤本搢作搢胡公攷異曰六臣本俱作搢此尤誤

故恐善自作搢五臣作搢耳注中苦洽切亦恐是五臣音朱

氏琚曰作搢是也國語本作搢說文搢搢也从手晉聲土刀

切而注云苦洽切誤矣下文引魏書程昱傳邊人搢之乃止

此則从召之搢與搢爲二字而注混而一之

魯般宋翟 五臣般作班銑注可證琴賦班倕騁神句同

注制十二簫 今呂氏春秋古樂篇及注簫並作箒本書邱希

範侍宴樂遊苑詩注引亦作箒說苑修文篇風俗通音聲篇

太平御覽樂部三引並作管按箒管義均可通惟簫恐誤

專揆度擬 五臣揆作剡銑注可證

注說文曰斤斫木又曰械治也 今說文斤斫木斧也械字無

此訓

程表朱裏 張氏雲璈曰程乃程度蓋其製有一定之尺寸故

曰程表朱裏則漆其口耳

注說文曰隕墜也又說文曰程示也 今說文隕下墜也又程

品也

重邱宋灌名師郭張 濟注宋灌郭張四姓漢朝善樂人重邱

縣之出也

注韋昭曰閒暇也服虔曰至閒音閑 六臣本閒暇作暇閒無

也服至音閑五十一字胡公攷異曰六臣本是暇閒連下注

豫樂也五字皆韋昭語不得增多於其中也

詳觀夫曲允之繁會叢雜何其富也 方氏以智曰曲允卽曲

引引與允通後轉爲艷爲鹽六臣本其作以

注說文曰掌柱也 今說文止智堂距也當卽此字木部櫨衮

柱也此注恐因此文而誤

雷叩鍛之岌峇兮 六臣本無兮字

正瀏溧以風冽 注說文曰瀏清也 毛本溧作漂瀏作瀏段校

溧改漂今說文瀏上有水字案瀏亦當作瀏說文漂瀏寒兒

詩曰二之曰漂瀏今詩雖作栗烈然瀏彼下泉疏引作漂瀏

此賦注末有云瀏寒兒則知引說文瀏清也爲誤矣

薄湊會而凌節兮馳趣期而赴躡 六臣本薄上有寒字無兮  
字按寒字不當有二句之文相對會也節也期也躡也四字  
一意湊會也陵節也趣期也赴躡也四事亦一意躡讀爲質  
謂所期處非謂顛仆注不合賦意句首薄字馳字亦相對薄  
音迫若加寒字不但句法參差義亦難通矣

注廣雅曰引伸也 今廣雅釋詁伸也節無引字

注李尤七疑曰 疑當作欸見後漢書文苑傳本書七命注答  
東阿王牋注又皆誤作歎

或乃植持縱經 六臣本校云經善作纏良注縱纏繩也

哀聲五降 林先生曰五降謂宮商角徵羽五音各有全律半  
律唯變宮變徵不可爲調無半律故音至五降而止

注煩手雜也 也字上當是脫聲字

麻圖實赧又蚡緼緼紆又絞渠汨淦五臣麻作宸濟注可證

緼作蟠向注可證淦作隍翰注可證

注說文曰援摧也今說文無援字惟援字訓推也

察度於句投尤本度作變胡公攷異曰度是變非

以知長戚之不能閒居焉本書寡婦賦注引作長戚戚不能

閒居兮恐誤

注說文曰鐘倅字如此本書江文通詩注引倅作雜而今說

六無此語

曠濇儆罔尤本濇作漢誤六臣本有余兩音可證

溫直擾毅孔孟之方也五臣擾作優濟注可證胡公攷異曰

方字與上下文獨不韻濟注方比也是五臣作方以之亂書

耳以意揣之疑或當作大字歟

諸賁之氣也 漢曹全碑威牟諸賁

條決續紛 五臣紛作理翰注可證胡公攷異曰善以科條能

分決注條決以續紛能整理注續理是善本亦應作理也

勞櫟銚慥 五臣勞作漿良注可證

暫龍之惠也 五臣暫作析良注可證惠與慧通案左氏傳暫

作析漢藝文志鄧析二篇則不作暫

拊操踊躍 六臣本拊作附

而晚仕無成 毛本仕誤作事

渠彌不復惡 注桓十二年傳云又因諫不聽又復重也 何校

二改七因改固惠氏棟曰韓非子復惡作報惡鄭注周禮大

司寇云復猶報也杜訓爲重失之

注左傳曰定十四年 至爲讐敵也 六臣本無此六十六字有



蒯瞶衛太子也左氏傳曰衛太子登鐵邱望見鄭師衆懼自投於車下二十七字此注當據改

注韓詩外傳云不占陳不占也何校不占以下六字移在韓詩外傳云之上

注字林曰鄂直言也六臣本字林作字書段校云於此見字林有鄂字在卩部後人失之

王公保其位六臣本公作孫

注露新夷胡公攷異曰露下當有申字各本皆脫

于時也六臣本于下有斯字胡公攷異曰琴賦亦有于時也句或叔夜本此則無斯字者是

注而齊右善歌六臣本右作后是也

瓠巴聃柱學記十五引聃作輟案聃是輟非也李注說文

曰聃安也今本耳部同必不誤倪氏思寬曰聃柱對弛懸言則所謂安者當是放下之義

注說文曰扑撫手也今說文拊拊手也朱氏珔曰扑引作撫

手者撫循字亦作拊循本通用也扑乃拊之俗字

注禮記曰食於質者此恐有誤

注說文曰澣水多也澡洗手也今說文澣水多貌澡洒手也

暴辛爲塤余曰呂氏春秋倕作塤箎譙周古文考云古有塤

箎尙矣周幽王時暴辛公善塤蘇成公善箎記者便以爲作

謬矣

注世本曰叔舜時人六臣本此七字作叔未聞三字胡公攷

異曰六臣本是也此鄭明堂位注世本決無其語若有之鄭

何得云未聞孔疏何不申說謹按禮明堂位鄭注叔未聞也

下又引世本曰無句作磬正義引皇侃疏曰無句叔之別名是未嘗不申說也又通典樂四曰磬叔所造禮十七曰毋句作磬通志樂畧同惟叔舜時人四字僅見於此初學記十六引宋衷曰毋句堯臣也則以爲舜時人亦不相遠矣

注說文曰金有五色黃爲長今說文金五色金也黃爲之長

丸挺彫琢

注

然則丸取也

楊氏慎曰薛君解丸爲取蓋取而

伐斲之使其圓且澤故謂之丸山海經鳳卵作鳳丸又建木其實如藥藥卽卵也古字丸卵藥皆通按丸與垸古字亦通考工記冶氏重三垸淮南子時則訓圓而不垸列子黃帝篇累五垸而不墜皆通丸淮南注垸轉也通俗文燒骨以漆和曰垸義可附參

唯笛因其天姿

六臣本校云善無其字

聖哲註益

注

註猶演也

姜氏皋曰註之猶演古無所證元人

李治撰敬齋古今註作書目者疑爲塞聰專思之義殆卽本

此賦之註益乎

況笛生乎大漢

何曰史繩祖云史記黃帝使伶倫伐竹於昆

溪而作笛吹之作鳳鳴是起於帝世矣藉曰史未足據周禮

笙師有簫箛篳篥管杜子春注謂讀篳如蕩滌之滌卽笛之古

字經言如此融以爲生於大漢其妄可嗤矣按初學記十五

引風俗通笛漢武帝時邱仲所作謂宋玉有笛賦玉在漢前

恐此說非是則唐人已辨之矣釋文馬融注周官十二卷是

笙師所掌融豈不悉竊謂此賦長笛必與周禮之篳篥度不

同賦云況笛生於大漢其辭曰易京君明識音律故本四孔

加以一京房所加烏得不謂生於大漢然則季長能吹笛有

雒客舍逆旅吹笛爲氣出精列相和者皆此器也周禮制度在當時已不傳其非此所賦明甚至應劭以爲邱仲作仲與房雖異然亦漢人不以爲古器可知也

注說文曰裨益也今說文裨接益也孫氏義鈞曰玉篇作接也益也疑今本說文脫上也字

其辭曰翰注此邱仲所言

裁以當適便易持五臣便作使良注可證西溪叢話云當適句善解非也笛安可爲馬策古人謂樂之管爲適故潘岳笙賦修適外辟餘簫內透蓋餘器多裁衆適以成音此笛但裁一適五音皆具所以便而易持也按潘賦貫作丹鉛錄用是說胡應麟丹鉛新錄已譏其失演繁露云急就篇吹鞭箠箠課後先唐韻箠竹也說文箠吹箠也以竹爲箠中空可吹故

曰吹鞭籥卽馬策可以策馬又可以爲笛一物兩用軍旅之便故曰易持今行陣間皆有籥殆卽古吹鞭之意也則與李注良注並同

琴賦

注說文曰𪛗從甘由犬會意字也 六臣本無此十二字今說

文狀从甘从𪛗

然八音之器又愿世才士 六臣本器作氣世作代

似元不解音聲 聲下當有者字六臣本校語可證

含天地之醇和兮 六臣本含作合下含顯媚句同

注說文曰蕤草木花貌 今說文蕤草木華垂貌

注論語子曰我待價者也 後漢書張衡傳注逸民傳注引論

語並作價今論語作賈古字通

互嶺巉巖 六臣本互作元

注說文曰津液也 津當作汁今說文汁液也津字無此訓姜

氏舉曰說文液盡也血部盡氣液也此所引疑或倒或脫

據神淵而吐溜 六臣本淵作泉

注說文瑾玉名 今說文瑾瑜二字並訓美玉也

與衍於其間側 五臣與作渙良注可證下與淫衍句同

涓子宅其陽 董氏斯張廣博物志云魯謝涓子常遊江淮鼓

琴於水側遇一女抱小綠綺撫弄涓子訝之曰妾北陵之女

也因授清江引

清露潤其膚 六臣本露作霧

於是遯世之士 五臣世作俗翰注可證

榮期 此卽榮啟期也列子天瑞篇淮南子主術訓齊俗訓宏

明集正誣論亦皆作榮期

注列子曰孔子遊於泰山王能自寬也胡公攷異曰袁本茶

陵本列子二字作新序最是謹按此一節今在列子天瑞篇  
內惟字句小有異同非新序也

注奉君以周旋陳校去君字是也各本皆衍

注韓詩曰周道威夷毛本威作倭按本書西征賦注金谷集  
作詩注秋胡詩注石闕銘注引韓詩並作威夷此正文正是  
威夷則不應改作倭也

心慷慨以忘歸注爾雅曰愷懽樂也胡公攷異曰慷慨當作

愷康主引爾雅懽卽康字翰注懽懽歎聲是五臣本誤也

注遺音謂琴也黃帝使伶倫截竹樂律起於黃帝故云接軒  
轅之遺音若琴原始本神農所造非黃帝也



纂老童於驄隅 五臣驄作隄良注可證

注驄山在三危西九十里 今山海經西山經三危之山西一

百九十里曰驄山此九上疑脫百字

顧茲梧而興慮 五臣梧作桐翰注可證

乃斲孫枝 余曰風俗通梧桐生於嶧山之陽崑石之上採東

南孫枝爲琴極清麗

注張衡應問曰 又孫竹枝根之未生者也 何校問改問未改

未胡公攷異曰枝當作竹各本皆誤

制爲雅琴 漢書藝文志雅琴趙氏七篇雅琴師氏八篇雅琴

龍氏九十九篇

注孟子曰離婁黃帝時人 何校曰上添注字

華繪彫琢 又華容灼爚 五臣琢作瑑銑注可證爚作爚良注

可證

注說文曰灼明也又曰爚火光也 今說文灼炙也爚火飛也

朱氏珔曰說文焯字云明也下引周書焯見三有俊心今書作灼見是灼與焯通故可以灼爲明爚字本書景福殿賦注引說文亦作火光一切經音義同疑說文原本作光

注翕卽翠粲張揖曰翠粲又紛翠粲兮 胡公攷異曰上兩翠粲皆當作翠蔡下翠粲當作粹縹皆順正文而誤改下注云字雖不同正謂此所引萃蔡粹縹與正文翠粲及下引璫翠各不同也

於是器冷絃調 六臣本冷作冷是也

初涉淥水 五臣淥作綠向注可證

拊絃安歌 六臣本拊作持

要列子兮爲好仇

注

君子好仇

詩關雎釋文好逮音求本亦

作仇音同按逮與仇二字古以同音通用故爾雅釋詁訓合

訓匹皆作仇字禮記緇衣漢書匡衡傳後漢書邊讓傳引皆

作好仇本書景福殿賦窈窕淑女注稽叔夜贈秀才入軍詩

携我好仇注引毛詩並同此

斐韡與爛

五臣韡作暉與作渙銑注可證

直而不倨

六臣本句首有或字

或怨嬖而躊躇

五臣嬖作沮銑注怨沮躊躇怨而不散聲也

注琴道曰操似鴻雁詠之聲

何校操上添伯夷二字刪詠字

聲改音

紛文斐尾

倪氏思寬曰尾當作妮說文訓美若尾字古但通

微無文彩義也

慄繆離經 六臣本慄作繆

注說文曰搥反手擊也又繆經也 毛本繆誤作繆按本賦觸搥如志句注引說文曰批反手擊也與搥同此又作搥反手擊攷說文有搥無批左傳之批而殺之玉篇已引作搥也知前注作批爲俗字矣

明嫿際慧 六臣本慧作惠

注古本葩字爲此堯郭璞三蒼爲古花字今讀于彼切 此尤本文義多不可通毛本此堯作花貌三蒼作曰葩段校改云古本葩字爲薦郭璞曰薦古花字今讀韋彼切是也

注宋玉對問曰旣而曰陵陽白雪 按注明言此集所載與文選不同而本書演連珠注引宋玉集又作陽春白雪何也 曲引所宜 郭茂倩樂府五十七琴論云引者進德修業申達

之名

廣陵止息

注

未詳所起

廣陵止息皆古曲非始於叔夜王伯

厚已辨之文苑英華顧況廣陵散記云曲有日宮散月宮散歸雲引華嶽引然則散猶引也唐書韓舉謂王陵母邱儉兵敗廣陵魏之散亡自此始因作廣陵止息二曲恐未必然

東武太山

僧居月琴曲譜錄云東武太山操仲尼製按郭茂

倩樂府云王僧虔技錄楚調曲有白頭吟行泰山吟行梁甫吟行東武琵琶吟行怨詩行其器有笙笛弄節琴箏琵琶瑟七種是東武太山不僅琴曲有之也

鹿鳴

注

鹿鳴宴羣臣也

今本琴操有詩歌五曲一鹿鳴二伐

檀三騶虞四鵲巢五白駒熊氏朋來瑟譜載開元十二譜卽鹿鳴四牡皇皇者華魚麗南有嘉魚南山有臺關雎葛覃卷

耳鵲巢采蘋采蘋十二篇攷漢宗廟樂用登歌而猶仿清廟  
遺音晉正會樂奏於赫而不改鹿鳴聲節則知古樂雖屢變  
而音節不能盡變也

注蔡邕琴操曰鹿鳴者周大臣之所作也王道衰大臣知賢者  
幽隱故彈絃風諫 按史記十二諸侯年表亦曰仁義凌遲鹿  
鳴刺焉蓋三家之遺訓歟

注遊絃未詳 姜氏舉曰郭氏樂府引古今樂錄云但曲七曲  
廣陵散黃老彈飛引大胡笳鳴小胡笳鳴鷓鴣游弦流楚窮  
窕並琴箏笙筑之曲王錄所無也是遊絃者但曲中之一曲  
注歌錄曰空侯謠俗行蓋亦古曲未詳本末 案藝文類聚引

琴操曰朝鮮津卒霍里子高晨刺船而濯有一狂夫被髮提  
壺而渡其妻追止之不及墮河而死乃號天歔歔鼓箏篳篥而

歌曰公無渡河公竟渡河墮河而死當奈公何曲終投河而死子高援琴作其歌聲故曰箜篌引又古今樂錄引張永技錄相和有四引一曰箜篌二曰商引三曰徵引四曰羽引箜篌引歌瑟調東阿王辭門有車馬客行置酒篇竝晉宋齊奏之古有六引其宮角二引闕宋唯箜篌引有辭三引有歌聲而辭不傳也

蔡氏五曲 琴曲譜錄云遊春綠水幽居坐愁秋思此五曲蔡邕昔入青溪訪鬼谷先生所居山東常有人遊因成遊春南有綠澗因成綠水中卽先生所居深遠因成幽居北卽高岩峻極猿鳥多哀因成坐愁西卽秋風蕭瑟而生顯思因成秋思焉

非夫放達者 六臣本無夫字下非夫至精者句同然以上曠

遠洲靜二句例之是六臣本偶脫耳

注說文曰𡗗亦貪惜也 今說文吝恨惜也在口部

間遶故音痺絃長故徽鳴 東坡志林云痺者猶今俗云敝聲也兩手之間遶則有敝故曰間遶則音痺徽鳴者今之所謂泛聲也絃虛而不按乃可泛故曰絃長則徽鳴王氏觀國曰琴之有敝聲以琴面不平或焦尾與徽高低不應則阻絃而其聲敝此琴之病聲也此賦當作美聲解間音去聲間遶謂徽之遠處若十三徽外近焦尾處以手取之其聲自然痺五臣訓間爲閉固誤東坡說亦非也

注說文曰泄除去也 泄當作濞毛本泄作盪是誤以釋洩爲

釋盪矣六臣本作洩洩泄濞音義同說文盪自訓滌器也

注喜懼抃舞 胡公攷異曰懼當作躍各本皆誤



注說文曰欬笑貌也 今說文欬吹也一曰笑意

注服虔通俗篇曰 六臣本無服虔二字通俗篇即通俗文本  
書注前後屢引之有明著其爲服虔者赭白馬賦注天子出  
虎賁伺非常謂之遮迥長笛賦注營居曰鄔洛神賦注耳珠  
曰瑞及此注樂不勝謂之嗚嚟是也有但引通俗文不著其  
爲服虔者如上林賦注水鳥食謂之曉長楊賦注骨中脂曰  
髓登樓賦注暗色曰驂江賦注髮亂曰髻髻是也惟此變文  
爲通俗篇耳

怡養悅念 注廣雅曰養樂也 韓詩外傳云聞其角聲使人惻

隱而愛仁聞其徵聲使人樂養而好施白虎通義樂養作喜  
養皆可與廣雅訓樂相證

尾生以之信 尾生高亦見戰國燕策蘇代謂燕昭王章即論

語微生高也吳氏玉搢別雅云尙書鳥獸箋尾史五帝紀作字微二字一音相轉故多通用

其餘觸類而長 六臣本長下有之字

注列女傳曰遊女漢水神鄭大夫交甫於漢皋見之聘之橘柚  
今列女傳無此語按本書注此事屢見南都賦注引韓詩  
外傳江賦注引韓詩內傳洛神賦注引神仙傳文雖小異實  
一事也此引亦當是列仙傳之誤

孰能珍兮 六臣本孰作誰

笙賦

注周禮笙師掌教笙鄭衆曰笙十三簧 案三禮圖云笙有雅  
簧十三上六下七然爾雅鄭注云大者十九簧也風俗通義  
又云長四尺十二簧宋書樂志宮管在中央三十六簧曰笙

宮管在左偏十九簧至十三簧曰笙是笙不定十三簧也

有曲沃之懸匏焉

案爾雅大笙謂之巢郭注刻管瓠中施簧

管端也詩吹笙鼓簧孔疏云瓠匏也以匏爲底故八音謂笙爲匏通典云今之笙以木代匏而漆之殊愈於匏故王觀國學林云後世不復用匏以本爲之而匏音廢矣

有汶陽之孤篠焉

顧氏炎武山東攷古錄云樂毅報燕惠書

薊邱之植植於汶篁古詩云冉冉孤生竹托根泰山阿此鄉魯之有竹也桂氏馥曰吾鄉小兒所吹短笙卽篠所作也

注說文曰篠小竹

今說文筱箭屬小竹也

注說文曰隅曲也

今說文隅陬也

裁製簧

銑注簧以製銅爲之故云製簧

注統物也

六臣本物作摠是也

望鳳儀以摛形 五臣鳳儀作儀鳳銑注可證初學記十六引

亦作儀鳳

注埤倉噦氣氣悟也 六臣本埤倉作字林

終見我以蹇愕 六臣本校云善作譌五臣作譌

惻檄糴以奔邀 五臣檄作傲銑注可證

或疎踴剽急 六臣本校云善本作夥是也濟注剽猛而急也

是五臣作剽耳

或既往不返或已出復入 初學記十六引往下出下有而字

徘徊布護 五臣護作鏤良注可證

節將撫而弗反 六臣本弗作不

輟張女之哀彈 注古曲未詳所起 姜氏舉曰古樂府引張永

元嘉技錄云四絃曲蜀國四絃是也古有四曲其張女四絃

李延年四絃嚴卯四絃三曲闕元嘉宋文帝年號張女曲其時已佚注故云未詳所起也

注古咄暗歌曰何校暗改暗陳同各本皆誤

宛其落矣五臣宛作薨翰注可證六臣本落作死

夫其懷及辛酸六臣本戾作吸

哇咬嘲喘五臣喘作嚼向注可證

注瑟二十七絃也三禮圖雅瑟二十三絃其所常用者十九

絃其餘四絃謂之番番羸也頌瑟二十五絃古用之

注竹爲也又橫次之大者大一寸廣雅曰六七孔也何校爲

也改爲之次改吹大者大一寸改小者尺二寸六改八刪七

字姜氏皋曰注中云上出三寸分當是寸三分何校未及

傾縹瓷以酌鄙段曰瓷當作甒注當作字林曰甒白甒長頸

大果切

注鄔鄉若下齊公之情 情當作清各本皆誤西京雜記載鄔

陽酒賦鄔鄉作程鄉齊公作高公

先岐儼其偕列注或作伎 五臣岐作伎偕作階良注可證

注蓬勃泰出貌 六臣本毛本泰作氣是也

故絲竹之器未改 五臣器作氣翰注可證

嘯賦

注鄭元毛詩箋曰嘯蹙口而出聲也 唐無名氏嘯旨云氣激

於喉中而濁謂之言激於舌而清謂之嘯有外激內激等十

二法權輿流雲等十五章

成公子安 翰注臧榮緒晉書曰成公綏字子安東都白馬人

也少有俊才而口吃張華一見甚善之時人以其貧賤不重

其文仕爲中臺郎此與李注所引文字異同晉書文苑傳成  
公綏雅好音律嘗當暑承風而嘯冷然成曲因爲嘯賦

傲世忘榮 晉書傲作敖

晞高慕古 五臣晞作希向注可證晉書亦作希

精性命之至機 五臣機作幾翰注可證

逸矯俗而遺身 五臣矯作跨濟注可證

注爲敢強 六臣本爲作蓮強作疆姜氏舉曰案姓纂云爲晉

大夫士爲之後蓮楚大夫蓮章之後是二者之系姓固別然

左氏傳有通用者程氏廷祚左傳人名攷異云襄十五年之

爲子馮二十四年又稱蓮子左氏襄十八年傳蓮子馮釋文

云蓮本作爲又左氏傳之爲賈漢書古今人表作蓮賈故五

經文字訓蓮與爲同是也

唱引萬變 晉書唱引作引唱

固極樂而無荒 六臣本固作故

注說文曰冉弱長貌 今說文冉作姍在女部

橫鬱鳴而滔滔 六臣本鳴作鳴晉書亦作鳴

冽飄眇而清昶 六臣本晉書飄眇並作繚眇晉書冽作咧吳

氏省欽曰注引字林曰冽寒貌與詩大東正義引說文同高

唐賦注引字林作冽寒風也當是傳寫者誤增風字

列列颺揚 晉書列列作烈烈

奏胡馬之長思向寒風乎北朔 六臣本奏作走思作嘶向作

迴晉書亦作迴

隨事造曲 晉書事作時誤也

猛虎應於中谷 晉書虎作獸唐人所改也



蕩埃謫之溷濁 六臣本蕩作流謫作謫晉書亦作謫

注樂用之則正人 六臣本無之字是也樂記注亦無之字人

下有理字毛本作則正神人亦誤

坐盤石 又乃吟詠而發散聲駱驛而響連 晉書盤作磐散作

歎駱驛作驛驛五臣亦作驛驛向注可證

荀璩嘲嘈 胡公攷異曰袁本茶陵本嘲作嘲非也晉書亦作

嘲孫氏梅四六叢話引鼠璞云成公綏嘯賦曰荀璩勞曹卽

今之膠胤勞曹字古人用之不見爲俗云云然今文選各本

無作勞曹者不知戴埴宋時所見何本

音均不恒曲無定制 六臣本校云善無恒字有二曲字按此

校語恐有誤晉書與此同可據也

注晉灼子虛賦注曰文章假借可以協韻 本書子虛賦注晉

灼曰文章假借協陀之韻也與此異

注均與韻同 說文韻字注裴光遠曰古與均同顧氏炎武音論云古曰音今日韻引唐書楊收傳曰夫旋宮以七聲爲均均言韻也

荒殊尤而絕世 五臣絕作純翰注可證

寧子檢手而歛息 晉書檢作歛五臣亦作歛良注可證

注晏子春秋虞公至何時旦 六臣本無此二百四十一字按此注複雜已甚非李本之舊無之是也

注韓必歛手 六臣本歛作檢胡公攷異曰今春申君傳作歛

蓋善所據作檢也檢歛古字通

蓋亦音聲之至極 晉書蓋亦作此

文選旁證卷第十九

長樂梁章鉅撰

卷十九 高唐賦

注於是竄末 何校是改事尤本作事於竄末誤也

高唐賦 本書別賦注引宋玉高唐賦曰我帝之季女名曰瑤  
姬未行而亡封於巫山之臺精魂爲草實爲靈芝又雜體詩  
潘黃門首注引宋玉集云楚襄王與宋玉遊于雲夢之野望  
朝雲之館有氣焉須臾之間變化無窮王問此是何氣也玉  
對曰昔先王遊於高唐怠而晝寢夢見一婦人自云我帝之  
季女名曰瑤姬未行而亡封于巫山之臺聞王來遊願薦枕  
席王因幸之去乃言妾在巫山之陽高邱之岵旦爲行雲暮  
爲行雨朝朝暮暮陽臺之下旦而視之果如其言爲之館名

曰朝雲皆與此賦少異按琴賦注引宋玉對問謂集所載與  
文選不同卽此類也

注欲親進於枕席 六臣本無進字按此當是親字衍

注如暉瞞也 六臣本無此四字陳曰暉瞞二字疑胡公攷異  
曰今按無此四字者是字書不見暉瞞誤入也

注韓詩曰偁 何校曰上添章句二字陳同

玉曰可 六臣本可下有也字

注說文曰洶洶涌也 今說文洶涌也

蓊漶漶而弗止 六臣本弗作不

若浮海而望碣石 胡公攷異曰碣當斷句會碣磻屬皆相協  
無容失其一韻石字當屬下句首石磻磻磻言小石也巨石  
溺溺言大石也其善注則云碣石者以碣石解正文之碣非

其讀正文於石爲句必五臣不察乃誤分節如此又五臣誤改下文礫礫作礫礫亦由不知礫礫與溺溺相對爲文

礫礫礫而相摩兮 五臣礫礫作礫礫說見前

注榛林栗林也 臧氏琳曰廣雅木叢生曰榛詩鵲鳩釋文引字林榛木叢生也一切經音義引詩文榛叢木也當據以注此若榛栗之榛古作𣎵

葩華覆蓋 六臣本毛本華並作葉

注還會交相也 交相當作相交各本皆倒

丹莖白蒂 六臣本丹作朱

長吏噤官賢士失志 六臣本噤作墜士作人

注說文曰墜下也 今說文墮下墜也此承上廣雅墮字訓故

省墮字

蕭何千千

注

說文曰俗望山谷芊芊青也千千古字通

五臣

千千作芊芊翰注可證按俗當作塔今說文谷部塔字訓云

望山谷塔塔青也段曰塔塔乃千千之誤

注廣雅曰峭嶒深直貌直作宴此引釋訓文

立而熊經淮南子精神訓熊經鳥伸注經動搖也與上文傾

岸意較合

正冥林先生曰大射禮注正鳥名齊魯之間名題肩玉篇作

鴟未知卽正冥否桂氏馥曰方言齊魯間謂題肩爲鴟鳥按

月令季冬之月征鳥厲疾注征鳥題肩也齊人謂之擊征然

則所云征者正也俗加鳥旁正鴟皆鳥之提點難中者

垂雞高巢注垂雞未詳陳氏第古音考巢音稠是與鳩遊流

爲韻易林隨之无妄茹如木居與類相投願慕羣旅不離其

巢亦是也

注詩云鳥鷺而有別者 詩下當有傳字此毛傳文

注漢書郊祀志至二人 六臣本無此三十二字胡公攷異曰

此或駁善注義門高晉之解而記於旁尤本乃誤取之

公樂聚穀注未詳所見 王氏念孫曰聚與叢古字通穀有穀

音穀與後聲相近疑高唐賦之聚穀卽史記之最後也詳見

封禪書

注人在山上作巢 六臣本人下有其字胡公攷異曰此訓正

文公樂當云人共在山上作樂各本樂誤爲巢

注冽寒風也 臧氏琳曰詩大東有冽寒泉傳冽寒意也七月

正義引說文冽寒貌是也今說文有賴無冽然據孔氏所引

知唐初說文本有冽字古冽賴聲同說文蓋以冽爲正賴爲

重文也瀨字云寒也則冽同而不得云寒風也

注說文曰萃萃草貌今說文萃薺也此所引有誤王氏引之

曰萃萃與平平同謂曠野之中彌望平平然猶堯典平秩之  
平馬本作萃也以萃萃爲草貌失之其說文曰三字疑衍  
九竅通鬱精神察滯六臣本校云五臣無滯字胡公攷異曰  
詳注意善並無滯字察字韻上逮下歲自協以七字爲一句  
或誤因注中鬱滯語妄添於下也

### 神女賦

其夜王寢果夢與神女遇其狀甚麗王異之明日以白玉玉曰  
其夢若何王曰又玉曰狀如何也王曰茂矣美矣沈括補筆  
談云人君與其臣語不當稱白又賦旣稱王覽其狀卽是宋  
玉之言不知望予帷而延視者稱予者爲誰以此攷之則其



夜王寢夢與神女遇者宋玉也明日以白玉者以白王也王與玉互書之耳又西溪叢話云楚襄王與宋玉遊高唐之上見雲氣之異問宋玉玉曰昔先王夢遊高唐與神女遇玉爲高唐之賦先王謂懷王也宋玉是夜夢見神女寢而白王王令玉言其狀使爲神女賦後人遂云襄王夢神女非也今文選本王玉互誤按六臣本無果字第一王曰作王對曰此處存對字已可尋王與玉互誤之迹矣第二王曰六臣本校云善作玉然則李與五臣王玉互換此又其明驗也今尤本王曰狀何如也玉曰茂矣美矣二處尙不誤

禮

不短

注說文曰禮衣厚貌

孫氏志祖曰說文禮字從衣詩

何彼禮矣是也今刻本誤禮洛神賦禮織得中同按詩何彼禮矣朱子集傳作禮今本從之唐石經自作禮張參五經文

字云襪如恭反從禾者訛是唐時已有作禾旁者不自朱子始也毛傳襪猶戎戎也廣韻襪襪華是亦不必泥衣厚之說但作豐滿解可耳

注說文曰悅好也與媿同 悅當作媿今說文女部媿好也下

媿當作悅謂說文之媿與賦之悅同也各本皆誤

注旁宜侍王旁 第一旁字衍胡公攷異曰此注當在宜侍旁句下後并上爲一節因誤標此字爲識耳

王曰若此盛矣試爲寡人賦之 此處寡人云云其爲王曰無疑則上茂矣美矣云云其爲王曰亦無疑也

夫何神女之姸麗兮 六臣本姸作妖

近之旣妖 妖當作姸方與上文姸麗畫一

脣聯娟似蛾揚兮 何曰似一作以按本書洛神賦修脣聯娟

注引作以則作似者非也尤本不誤

注說文婉靖好貌 六臣本好貌作閑體行也四字是也今說

文女部婉閑體行婉婉也

注廣雅曰嬾好也 六臣本作嬾靜好也四字胡公攷異曰六

臣本是也此承上文亦說文女部文非引廣雅

注聲類曰 六臣本無此三字何據之校刪

注謂復更遠也 何曰一無此五字

登徒子好色賦

注并序 余曰此賦無序並序二字誤加按各本以唯唯以上

爲序臣少以下提行爲賦並誤

大夫登徒子侍於楚王 六臣本楚下有襄字何曰以國策叅

校登徒蓋以官爲氏余曰古文苑注登徒子假設爲名猶言

升諸其徒之人張氏雲璈曰姓氏急就篇有少施登徒姜氏  
舉曰廣韻歲詳姓氏而不載登徒林寶姓纂亦無竊思司徒  
以官爲氏者或又通作申徒信都申屠史記以張良爲韓申  
徒卽司徒也登申音近或亦楚音之轉且儀禮喪服冠六升  
注升字當爲登左氏僖二十二年傳登陘釋文作升陘則登  
申音轉亦此例也登徒其卽申徒歟

東家之子 六臣本東上有臣字

注說文曰齟張口見齒也 今說文齟口張齒貌

愚亂之邪臣 何曰當以邪字絕句按愚亂之邪文義亦晦

### 洛神賦

注記曰魏東阿王漢末求甄逸女 何曰魏志無子建求甄逸  
女事胡公攷異曰六臣本曹子建下並無李注今本自記曰

以下至改爲洛神賦二百七字乃小說感甄記尤謾取之

注遂作感甄賦後明帝見之改爲洛神賦何曰文帝猜忌諸

弟留宴從容正不可得感甄名賦其爲不恭孰甚小說因賦附會全不足信離騷經吾令豐隆乘雲兮求宓妃之所在植旣不得於君因濟洛川作此賦以寄心文帝其亦屈子之志也又曰韓詩曰漢有游女不可求思薛君曰游女謂漢神洛神之義本此余曰南齊書五十二沈約曰以洛神比陳思他賦有似異手之作

黃初三年余朝京師何曰魏志丕以延康元年十月禪代十一月遷改元黃初陳思實以四年朝洛陽而賦云三年不欲亟奪漢年猶發喪悲哭之意耳

注洛水出洛山淮南子墜形訓洛出熊耳畢氏沉曰禹貢言

導洛自熊耳非謂發源也水經洛水出京兆上洛縣譙舉山  
鄴注地理志洛出冢領山山海經出上洛西山又曰譙舉之  
山洛水出焉書蔡傳以譙舉卽冢領徐氏文靖禹貢會箋云  
一統志洛水出陝西洛南縣此注洛山不知何指

對楚王神女之事 六臣本王下有說字

余從京域 五臣域作師銑注可證

容與乎陽林 六臣本陽作楊是也下注陽林一作四字衍

肩若削成腰如約素 案張衡七辯有形似削成腰如約素淑  
性窈窕秀色美艷鬢髮元髻光可以鑒鬢輔巧笑清眸流盼  
皓齒朱脣的礫粲練等語當是子建所本姜氏皋曰約當作  
束向注乃作約耳

注說文曰項頸也 今說文項頭後也

芳澤無加

楊氏慎曰史記淳于髡傳羅襦解微聞芳澤

鬢輔承權

淮南子說林訓顰輔在頰則好在顰則顰說文顰

姿也廣韻面上顰子楊慎謝華啟秀云女子面上媚文爲顰

玉篇引左氏傳作顰車相依虞氏易作咸其顰左氏傳服氏

注輔上領車也與牙相依權玉篇作顰

奇服曠世

六臣本作代

骨象應圖

張衡七辯云假門蘭燈指圖觀列賦言圖字似本

於此又張平子同聲歌燈光稱列圖亦是

注報之以瓊瑤何校瑤改琚是也

注有此言未詳其本何曰此同時人語借以互證按此亦李

注之凡例特標出之

微幽蘭之芳藹兮

段校云說文曰微隱形也春秋傳曰白公

奔山而艦其徒微之是也

執眷眷之款實兮至申禮防以自持何曰子建作塋簇引云  
久要不可忘義薄終所尤謙讓君子德馨折欲何求執眷眷  
六句意與之同景初中詔云陳思王克已盡禮以補前缺則  
子建之自持可知矣

歎匏瓜之無匹兮六臣本無兮字下恨人神之道殊兮無微  
情以效愛兮句並同

注各處河鼓之旁六臣本無鼓字是也

注無匹之義未詳其始姜氏皋曰按何校云王子敬書作媧  
媧無匹因疑匏瓜爲媧媧之譌易繫辭疏初學記並引帝王  
世紀云包犧氏沒女媧氏立包犧卽宓義包列子作庖漢律  
厯志作炮故路史注女媧亦作炮媧媧字山海經郭注列子



張注古今人表顏注皆音瓜是匏者庖炮之音通媯者因音  
瓜而譌也風俗通以女媯爲伏羲之妹是或爲無匹之說且  
賦上文言南湘二妃漢濱游女下言牽牛織女中間似不得  
雜一匏瓜星如注所言者

羅轍生塵 余曰張衡南都賦羅轍蹀躞而容與

注聖足行於水 六臣本足作人是也

令我忘飡 六臣本飡作餐按古字飡餐同

於是屏翳收風 何曰天問萍翳起雨萍翳下接以號故子建

以爲風韋昭以爲雷不與王逸同也

注曹植詰洛文曰 洛當作咎今子建集中有詰咎文各本詰

作結皆誤胡公攷異曰陳校詰當作袂大非王伯厚嘗言曹

子建詰咎文假天帝之命以詰風伯雨師各篇之意顯然

注王母乘紫雲車來 六臣本來上有而字是也

獻江南之明璫 何曰獻於宓妃也子建贈白馬王詩蒼蠅間  
白黑詭巧令親疎以耳飾爲獻望其無信詭言也

雖潛處於太陰長寄心於君王 何曰太陰言其所處之幽遠  
君王謂宓妃喻文帝也不必以上文君王爲疑

注說文曰駢驂駕也 今說文駢驂旁馬也本書贈弟士龍詩

注引與今說文合

東廣徵補亡詩

注補著其文以綴舊制 世說新語三夏侯湛作周詩以示潘

安仁注湛集載其敘曰周詩者南陔白華華黍由庚崇邱由  
儀六篇有其義而亡其辭故云周詩然則補亡詩者不止束  
皙也皙與湛俱晉武帝時人

南陔 困學紀聞三云束皙補亡詩循彼南陔釋曰陔隴也羣  
經音辯云序曰孝子相戒以養陔當訓戒鄉飲酒燕禮賓醉  
而出奏陔夏鄭氏注陔之言戒也以陔爲節明無失禮與詩  
序義協全氏祖望曰相戒以養之說精矣然何以云南戒其  
義難通則恐束氏亦有所本方氏以智曰陔卽祓笙師以教  
祓樂注祓夏之樂杜子春謂祓讀如陔鼓之陔儀禮鄉飲酒  
鄉射正作陔是也姜氏皋曰說文陔階次也南齊志有前舞  
階步歌辭後舞階步歌辭隋志於文舞武舞將作先設階步  
辭元會大饗協律不得升陛然則階步者奏于堂下之義豈  
南陔者亦此意歟

注

居謂未仕者

何曰讀如誰居之居猶言彼其之子

彼居之子色思其柔

陳曰二句當在心不遑留下如首章例

是也各本皆誤倒

注毛詩曰相彼反哺尚在翔飢 按二語乃盧諶贈劉越石詩

毛詩二字各本皆誤

養隆敬薄注愛而不敬獸畜之 初學記十七引隆作優張氏

雲璈曰詩意同論語子游問孝章不當引孟子

注以介丕祉 初學記十七引丕作壽

注此喻兄弟比於華萼在林薄之中 兄弟比於四字不當有

因上引常棣而誤添也各本皆衍

莫之點辱注點與玷古字通 本書司馬遷報任少卿書適足

以見笑而自點耳袁宏三國名臣贊質無塵點皆通作玷

輯輯和風 六臣本輯輯作習習校云善作掛掛

注鄭元曰九穀稷黍秬稻麻大小豆大小麥也 汜勝之書作

稻米黍麻秫小麥大麥小豆大豆酉陽雜俎作黍稷稻粱三  
豆二麥而康成之注周禮又作黍稷稻粱麻大豆小豆麥苽  
說詳程氏瑤田通藝錄九穀攷

亦挺其秀

六臣本亦作禾校云善作亦

蕩蕩夷庚

困學紀聞六云左傳成十八年拔其道以塞夷庚

正義謂平道也本書辨亡論旋皇興於夷庚義同

獸在于草

六臣本校云于善作在何陳皆據之校改

星變其躔

六臣本校云五臣作星躔其變

五是不逆

六臣本是作緯逆作愆按作緯者當係遯字誤困

學紀聞二云洪範五者來備史記云五是來備荀爽謂之五  
遯李雲謂之五氏傳習之差如此惠氏棟曰經文曰時五者  
來備時是也言是五者皆備至也孔氏以曰時二字屬上句

與漢儒所授尙書異讀後人遂以五是爲傳習之誤非也

注曰風曰時 何校風上添曰寒二字陳同

注王猷允塞 詩常武作王猶故注云猶猷古字通

何類不繁 又人永其壽 又鳥萃平林 六臣本繁作類人作民

平作于

### 謝靈運述祖德詩

段生蕃魏國 幽通賦木偃息以蕃魏此以段干木爲段姓誤也說詳魏都賦

注於邊候暗之道也 又高誘曰暗國名也音晉今爲晉字之誤今呂氏春秋悔過篇作於東邊候晉之道暗字作晉誤注同當依此改之

勵志故絕人 與上魯人韻複

委講綴道論改服康世屯 古詩類苑云綴集作輟案五臣注  
言元委棄講論與王羲之隱於會稽之山以綴道論後出爲  
將軍破苻堅故曰安世難是綴不當作輟也然晉書謝元本  
傳疾篤上疏有從臣亡叔安退身東山以道養壽之語前後  
表十餘上久之乃轉授散騎常侍左將軍會稽內史與疾之  
郡十三年卒于官無委棄講論歸隱會稽之事注所云者是  
牽合謝安傳以致舛誤也

中原昔喪亂 此另起爲一首毛本誤連上文

河外無反正 六臣本注善曰河外謂之澠池史記曰秦王使  
使告趙爲好會於西河外澠池良曰河外洛陽也言爲賊所  
破不得反洛陽之正

注今也蹙國百里 今詩也下有日字

龍暴資神理

注

孔安國尚書傳曰龍勝也

朱氏瑋曰書序西

伯戡黎傳戡亦勝也正義戡勝釋詁文今爾雅釋詁作堪堪

與戡通廣雅釋詁龍取也法言重黎篇劉龍南陽李軌注龍

取也此引書傳以龍爲勝則龍乃戡之同音假借字耳

注

天下溺則援之以道

今孟子無則字而後漢書崔駰傳注

及意林引均有則字

遠圖因事止

何曰獻武移鎮東陽於道疾篤上疏曰去冬奉

司徒道子告括囊遠圖

注

曹大家上疏謂兄曰上損國家累世劬勞遠圖之功

六臣

本毛本謂作諸陳曰諸當作請是也文在後漢書班超傳作

便爲上損國家累世之功

高揖七州外

方氏回文選顏鮑謝詩評云此指謝元所解徐



充青司冀幽并七州都督耳謂晉有七州而高拱其外則不復居晉地也

韋孟諷諫詩

諷諫詩 漢書韋賢傳孟作詩風諫後遂去位余曰或謂其子孫好事述先人之志而作是詩

孟爲元王傳傳子夷王及孫王戊 六臣本不重傳字濟注戊與七國同反故無諡號

迭彼大彭 余曰按鄭語及左傳杜注孔正義豕韋有二一彭姓祝融後與大彭爲商伯武丁滅之一劉姓堯後彭姓豕韋滅之承其國殷末封於唐周成王滅唐遷之於杜宣王殺杜伯其子鬬叔奔晉四世及士會食邑於范氏孟詩云迭彼大彭勲績維光孟五世孫元成詩云赫矣我祖侯於豕韋賜命

建伯有殷以綏則孟之先爲彭姓之豕韋矣孟詩又曰至于我周歷世會同王赧聽譖實絕我邦元成詩又曰宗周至漢犖后歷世蓋西京時春秋內外傳未行故孟與元成詩得肆其鋪張合二姓豕韋並爲其祖益加妄誕以欺世也

王赧聽譖實絕我邦 洪氏邁容齋四筆云周至赧王僅存七邑救亡不暇豈能滅侯邦乎孟之自敘乃祖率疎如是而應劭又從而實之尤可笑也梅氏鼎祚引杜氏左傳注云豕韋國於東郡白鳥縣殷末國於唐周成王滅之

耒耜斯耕 又矜矜元王 漢書斯作目矜矜作兢兢

克奉厥緒 六臣本校云緒善作次恐誤漢書正作緒

斯惟皇士 注美士也 漢書斯作此何曰謂天子之命士也善

注非

大馬悠悠

漢書悠悠作繇繇師古曰繇與悠同

是放是驅

五臣是放作田獵良注可證

務此鳥獸

又

追欲縱逸

漢書此作彼縱作從顏注從讀曰縱

六臣本縱作樂

嗟嗟我王

尤本此下提行誤

照臨下土

漢書照臨作臨爾

殆其茲怙

注

茲此謂此親也

五臣茲怙作怙茲漢書亦曰怙

茲何曰作怙茲於韻乃協按注茲此當作茲怙

彌彌其逸

漢書逸作失

注孟子曰天下殆哉岌乎

六臣本無此注翟氏灝曰殆哉岌

乎乃時人恒語莊子天地篇述許由之言亦曰殆哉岌乎

時靡不練

漢書時作昔師古曰言往昔之事皆在王心無所

不閱也

秦繆以霸 五臣繆作穆銑注可證

歲月其徂年其逮耆於赫君子庶顯于後 漢書赫作昔顧氏

炎武曰歲月其徂四語蓋自言年老言昔之君子垂令名于

後欲王信老之言而任之也在鄒詩曰既耆且陋則此爲孟

之自述可知胡公攷異曰善作昔五臣作赫所當訂正

張茂先勵志詩

注 四氣之和 四上當有道字

注 爲代去者爲謝 六臣本爲代上有來者二字是也

注 不捨晝夜 今論語捨作舍而本書稽淵碑注引亦作捨

注 元幽遠也 六臣本遠作漠沿下文而誤耳

注 漠寂也 又漠無爲 此再引說文語今說文水部漠清也口

部嗽嘆也嘆嗽嘆也一部寂無人聲心部怕無爲也並與此異

田般于遊 六臣本田作山是也五臣般作盤良注可證

養由矯矢 養水見水經注汝水下養陰里見後漢書祁國志

由基蓋以邑爲氏故左襄十三年傳曰養叔淮南說山訓高

注云養姓也廣韻邑字注謂養山氏則直以爲複姓抱朴子

知止篇北史楊播傳皆曰養由而此詩爲最先耳

蒲盧縈繳 五臣蒲盧作蒲蘆向注可證

注說文曰彪亦文貌 尤本亦作虎今說文彪虎文也从虎彡

象其文也

載瀾載清 又勉志含宏 六臣本瀾作潤尤本志誤作爾

川廣自源 六臣本自作其

注成人在始興善敬之哉 六臣本興作與無敬之哉三字

注戰國策段干越 今韓策越下有人字是也下同

注過京父之弟子 又京父之弟子曰 今韓策過作過京作造

下同此下有馬不千里王良弟子曰二句

注不憚者 今韓策憚作釋下有塞字六臣本亦誤脫

暉光日新 注易曰君子之光暉吉又曰日新之謂盛德 朱氏

珩曰此四字蓋用大畜象傳虞氏易剛健篤實句 暉光日新

句其德二字下屬至王弼乃以光字句絕日新其德自爲句

非也姜氏皋曰王輔嗣注夫唯暉光日新其德者唯剛健篤

實也似亦以暉光連日新爲句

卷二十 曹子建上責躬應詔詩表

臣自抱景歸藩 何曰時子建封雍邱王

注說文曰赧面慙也 今說文赧面慙赤也

忍垢苟全 三國魏志陳思王傳垢作活

注毛詩謂何顔而不速死也 向注詩無此句今言詩者誤也

按今毛詩傳箋皆無此語毛字恐誤

舍罪責功者 毛本責誤作貴六臣本亦作責不誤

永無執珪之望 魏志永無作無復

僻處西館 魏志文帝責之置西館未許朝

瞻望反側 魏志此下只作謹拜表獻詩二篇七字餘文皆無

### 責躬詩

受禪于漢君臨萬邦 魏志于作炎君臨作臨君朱氏珣曰作

臨君與今書顧命合是也注倒其文者當是李氏所據文選

本作君臨故引書亦就正文耳

注尙書帝曰爾諧 疑是虞書帝曰俞往哉汝諧

注儀禮曰 禮下當有注字各本皆脫

時惟篤類 魏志作時篤同類

注魏志曰詔云植朕之同母弟 至其改封植 陳曰志當作書

此王沈魏書見魏志注是也各本皆誤

注舛而不殊 何校舛改舍殊改誅按魏志裴注作舍而不誅

此何所據胡公攷異曰漢書宣紀骨肉之親析而不殊子建  
求通親親表亦云骨肉之恩爽而不離李彼注引漢書榮而  
不殊如淳曰榮或爲敬此舛與爽榮互異而義皆同魏志作  
舍蓋誤當各依其舊

不忍我刑暴之朝肆 余曰獨異志言陳思王與文帝不叶帝  
卽位召植遊華林園酒酣密遣左右縊殺使者以弓弦三縊



不死絃皆頓絕植卽驚覺左右走白帝帝自是不敢害植按此魏志紀傳俱無可補裴注之缺

哀予小臣 六臣本臣作子校云善作臣案魏志亦作子是也此恐誤且與下有君無臣韻複

光光大使我榮我華 魏志作朱紱光大使我榮華梅氏鼎祚曰大一作天

剖符受土 魏志受土作授玉五臣同翰注可證

咨我小子 六臣本咨作啓非也魏志作咨

生命不圖 注毛詩傳曰不慮不圖 魏志生作性陳曰傳當作

箋是也胡公攷異曰按兩無正弗慮弗圖箋云而不慮不圖

此引之以注不圖也

注泉下有壚山 今本淮南子覽冥訓高誘注作黃泉下壚土

也不作山各本皆譌

應詔詩

祁祁士女六臣本校云善作女士非也魏志亦作士女

注不可休息案惠氏棟曰釋文休息並如字古文皆爾或作

休思此以意改爾惟韓詩外傳作思樂記云使其文足論而

不息荀卿子息作認說文認思之意从言从思禮記多古文

或思息通也此注是如字

注餽糧食也陳曰糧字衍此詩伐木傳文各本皆衍

面邑不遊魏志不作匪

注說文曰隈曲也本書西都賦注海賦注並引作隈水曲也

從斤竹澗越嶺溪行詩注引作隈山曲也今說文隈水曲澳

也按作山曲者恐誤

注說文曰闕門楯也 楯當作楯今說文木部楯限也阜部限門楯也楯與楯文相似而致誤耳

潘安仁關中詩

於皇時晉 六臣本時作乃

岳牧慮殊 五臣岳作嶽向注嶽牧謂梁王解系也慮殊謂梁王欲戰以威服解系欲守以懷撫

注都督雍梁晉諸軍事 陳曰晉當作秦各本皆誤

身膏氏斧 晉書周處傳作身膏齊斧姜氏皋曰易得其資斧宋李心傳丙子學易編引子夏易傳作得其齊斧虞喜志林云當作齋齋戒入廟而受斧也此一節是論敗中功罪則作齊斧爲是

肝腦塗地 金氏姓曰越絕書越王謂子貢曰士民流離肝腦

塗地說苑使肉食者失計于廟堂藿食者甯得不肝腦塗地也又本書檄豫州文亦有肝腦塗地語

親奉成規稜威遐厲注五臣親作新校作精

成規之畫注陳曰之字疑胡公攷異曰三國志注引作外規

廟勝之畫或此傳寫譌脫

以萬爲一何曰三國志國洲傳破賊文書以一爲十此因舊

制而譎諫也

注但交相避胡公攷異曰交當作文

注說文曰滴水出西河美稷縣今說文滴西河美稷縣東北

水水經河水注云河水又南樹頽水注之河水又左得滴水

口水出西河郡美稷縣東南流又東南流入長城東鹹水入

之又東南渾波水注之又東逕西河富昌縣故城南又東流

入于河段校謂滴水句非引說文是也

危城載色 五臣色作邑向注邑安也

注論語子曰加之以師旅 何校子下添路字陳同然晉書食

貨志引亦作孔子語

注爾雅曰熙興也說文曰興悅也 今說文興起也與悅義不

近惟熙與喜通見本書劇秦美新注學記不興其藝鄭注興之言喜也喜可訓悅然非說文語也

### 曹子建公讌詩

公讌 濟注此在鄴宮與兄丕讌飲

注贈答雜詩子建在仲宣之後而此在前疑誤 案子建作此

詩時丕尙稱公子是操尙在也仲宣公讌詩有願我賢主人

及克符周公業等語則侍操讌詩亦宜在前

注謂五官中郎也 謂當作爲也當作將各本皆誤

王仲宣公讌詩

公讌 濟注此侍曹操讌詩操未爲天子故稱公讌

克符周公業 何曰以同符周公爲頌猶以北面規之也

劉公幹公讌詩

輦車飛素蓋 六臣本車作居

注古詩曰日出東南行 胡公攷異曰此當作古日出東南隅

行曰各本皆誤

生平未始聞 六臣本平作年